


DE
CONSVETVDINE, SIGNO. C
HAVD. INVENV
DISSERIT. SIM V
AD
ACTVM. VALEDI

D. XIII. CALEND. NOVEMBR. A. R.
HORA. NONA. INSTIT
SCHOLAE. NOSTRAE. I
GRAVISSIMOS. OMM
PATRONOS. ATQVE.

EA. QVA. PAR. EST. PI

INVITAT

M. IOAN. GEORG.
RECTOR.



CHEMNICII

LITTERIS. PETRI. CHRIST

DE

GNO. CRVCIS. VTENDI

NVENVSTA

SIMVL. QVE

AD

LEDICTORIVM

IBR. A. R. S. clō Io CCLXVI.

INSTITVENDVM

RAE. INSPECTORES

S. OMNES. QVE

QVE. FAVTORES

EST. PIETATE

I. T A T

EORG. HAGER

TOR.



NICII

CHRIST. IAHNII.

Excellenß. D.



EV M, infinite illud perfectissimum ens, ceterorumque omnium extra se entium auctorem ac dominum existere et ipsa natura et praecipue sacra scriptura luculentissime nos docet. Nulla, inquit CICERO, a) gens est, neque tam immanis, neque tam fera, quae non, etiam si ignoret, qualem habere Deum deceat, tamen habendum sciat. Et diuus PAVLLVS testatur: b) quod DEI cognosci potest, id apud eos, scilicet ethnicos, manifestum est, utpote quum DEVS eis patefecerit. Alia clarissima scripturae testimonia de existentia DEI ut nunc taceamus. Hunc vero DEV M omnium huius vniuersi rerum auctorem et dominum rite cognitum religiosissime ut nos creati ab eo colamus et summa, quae concipi potest, veneratione prosequamur nostri esse officii, quis quaeso dubitabit? Mortalium profecto nemo. Hoc quidem, quod nostro debemus DEO, officium pura, integra incorruptaque potissimum mente peragendum, DEV Mque nostrum in spiritu et veritate adorandum esse, iterum natura et scriptura satis superque testantur, c) quia DEVS ipse est spiritus: Verum enim vero ille idem DEVS non mentis tantummodo nostrae, sed corporis etiam nostri auctor et conditor est, hinc aequum piumque quoque est, ut corporis membra nostri iustitiae arma DEO nostro praebeamus, d) illumque nostris, quae DEI sunt, et corporibus et animis honoremus, e) Hinc omnis cultus diuinus in internum et externum, utrumque

a) Lib. I, de Legibus c. 8.

b) Ad Rom. I, 19. II, 17.

c) Sic PLINIVS in Paneg. c. 3. Animaduerto etiam DEOS ipsos non tam accuratis adorantium precibus, quam innocentia et sanctitate, gratioremque existimari, qui delubris eorum puram castamque mentem, quam qui meditatam carmen intulerit. Id quod etiam affirmat IOANNES IV, 24. Spiritus est DEVS, et qui eum colunt, animo et vere debent colere.

d) Rom. VI, 13. e) 1. Corinth. VI, 20.

que a DEO mandatum, recte diuiditur. Hic cultus diuinus externus vel priuatus, qui a quolibet CHRISTI cultore priuatim, vel publicus est, qui publice in congregatione Sanctorum in templis exercetur. Omnis autem cultus externus vel ore, vel gestibus, vel actionibus DEO dicatis absoluitur. Hunc cultum externum DEVS ipse in veteri foedere a populo suo sibi exhibendum praecepit illumque variis ritibus et ceremoniis sacris condecorandum iussit, ut ex oraculis diuinis et legibus ceremonialibus clarissime constat. Neque hunc cultum externum neglexit CHRISTVS, sed potius legi ceremoniali obtemperans circumcidebatur, f) patrique suo in templo secundum legem ceremoniale fitebatur. g) Synagogas deinde et templa Iudaeorum frequentabat in illisque publice docebat, h) pueris manus imponebat, i) pascha cum suis discipulis pro more et ritibus consue- tis edebat et sacramentum eucharisticum variis ceremoniis ac ritibus adhibitis instruebat. k) Sic etiam APOSTOLOS magistrum suum imitantes non solum cultum diuinum externum retinisse et quosdam ritus et ceremonias ordinasse et tradidisse ecclesiis ex scriptis eorum discimus. Et verisimile est, ut celeberrimus D. MARTIN. CHEMNITIVS noster docet, l) quosdam etiam alios externos, qui in scriptura annotati non sunt, ritus ab Apostolis traditos esse. Nullum est dubium Ecclesiam post Apostolos alios quosdam ritus addidisse. Quid? quod tempore succedente hic rituum ceremonialiumque numerus mirum in modum est auctus. Vt vero hisce de ritibus rite indicare queamus, quinam probandi, vel improbandi, adeoque retinendi, aut abrogandi sint egregiam nobiscum communicaui normam et regulam summe venerandus CHEMNITIVS l. c. Ritus, inquit, qui ex scriptura sacra ita probari possunt, ut contineant vsum, exercitium et vtilem declarationem eius doctrinae, quae in scriptura diuinitus praefacta est, probandi retinendique sunt. Probandi retinendique praeterea sunt et alii ritus, qui secundum regulam PAVLLI I. Cor. XIV, 40. incitamenta et retinacula pietatis sunt,

(2

f) Luc. II, 21. g) Luc. II, 22. h) Ioan. XVIII, 20. i) Matth. XIX, 13. k) Matth. XXVI, 17. sqq. Marc. XIV, 12. sqq. Luc. XXII, 7. sqq.

l) In Examine Concilii Trident. P. I, Loco II, Sect. 7. p. 107. Edit. GEORGII CHRISTIANI IOANNIS, Francof. 1707. fol.

sunt, adeoque qui I. faciunt ad *aedificationem*, vt homines inuitentur ad verbum, ad sacramenta et ad cetera pietatis exercitia: vt doctrina commodius proponatur, pluris fiat, auidius accipiat et melius retineatur: vtque accendatur et foueatur poenitentia, fides, oratio, pietas, misericordia. etc. II. Qui seruiunt *ordini*. Oportet enim in publicis ecclesiae congressibus esse ordinem dignum grauitate ecclesiastica. III. Qui ad *decorum* faciunt. Intelligitur autem *εὐχρημοσύνη*, vel tale decorum, vt externis ritibus ostendatur, quid tribuamus verbo DEI, sacramentis et reliquis exercitiis ecclesiasticis, vtque reliqui ad reuerentiam verbi, sacramentorum et congressuum ecclesiasticorum inuitentur et qui IIII. cum Christiana *libertate* non pugnant. Ad hanc normam in praesenti omnes, qui olim in vsu fuerunt et adhuc recepti sunt in ecclesia nostra euangelica ritus examinare, vel saltem eos recensere m) non placet: Placet vero vel vnum, nimirum *eum*, quo *signo crucis utimur*, ritum sub examen vocare, propterea quod obseruamus, hunc ritum, consilio profecto iniquo et irritato, a I. S. SEMLERO vocari *consuetudinem inuenustam*. „Antiquissima, inquit, n) sunt ista crucis, manu signatae, „ministeria, licet nihil quicquam in libris noui testamenti extet, quod „*tam inuenustae consuetudini* auctoritatem praestet.“ Sed quidnam per hanc inuenustam consuetudinem vult intelligi SEMLERVS? Inuenustus proprie idem est ac illepidus et quod sine gratia et fauore est, vulgo *unannehmlich, beßlich, ungeschickt*. Sic CATVLLVS XII, 5. fordidam rem et inuenustam coniungit; CICERO vero de Cl. Orat. c. 67. iuris peritissimum caussarum patronum appellat *actorem haud inuenustum*, i. e. *keinen ungeschickten Sachwalter*. Auctoritate adeoque horum virorum consuetudo inuenusta vulgo est: *eine unannehmliche, beßliche*

m) Scriptores, qui hos ritus ecclesiasticos copiose recensuerunt egregieque illustrarunt, diligentissime collectos nobiscum communicauit I. A. FABRICIVS in Bibliographia Antiqu. opera PAVLLI SCHAFFS-HAVSENII tertium edita, Hamb. 1760. 4. C. 4. p. 158. sqq. Quibus noua addenda est editio primarum linearum Breuiarii Antiquitatum Christianarum ductarum a celeb. SIG. IAC. BAUMGARTEN. Scholia multa addidit I. S. SEMLERVS, Halae Magdeb. 1766. 8.

n) In scholiis suis ad Sig. Iac. Baumgartenii primas lineas Breuiarii Antiquit. Christ. antea citatas, p. 228.

liche und ungeschickte Gewohnheit. Et hac in significatione hac voce, tanquam sibi propria, saepius in Scholiis suis vsus est SEMLERVS. Sic deprehendes ibidem documenta inuenusta, i. e. nullius pretii, valoris et vana, p. 10. sententiam inuenustam, i. e. erroneam, p. 27. comparisonem inuenustam, i. e. ineptam, p. 43. Exorcismum inuenustiore rudiorum temporum consuetudinem, quae poterat inter Christianos omitti, p. 51. Homines vanos, imbelles, inuenustos et impios coniungit, p. 98. amorem martyrum inuenustum, i. e. nimium et indecentem, p. 99. inuenustum modum, i. e. ineptum p. 106. ministeria inuenusta et ludicra, p. 147. Israelitas rudes et inuenustos, p. 175. inuenustos ministros, i. e. ineptos, p. 179. superstitionem inuenustam, p. 205. Eum in finem haec omnia adduximus, vt quiuis cognoscere posset lector, consuetudinem inuenustam, SEMI.ERO esse consuetudinem fordidam, nullius pretii, erroneam, ineptam atque illepidam. Sed nunc inquiramus necesse est, vtrum iure meritoque tam foedo hic ritus vtendi signo crucis nomine insigniri possit, ac debeat? Negamus, et quilibet sanioris mentis nobiscum pernegabit hoc. Originem, tempus et locum, quo primum hic ritus in ecclesia Christiana sit receptus, chartae angustia impeditus curatius in praesenti euoluere non vacat o) Interim omnes antiquitatum Christianarum scriptores consentiunt, antiquissimum hunc esse ritum frequentissimumque. Ast nullum in antiquitate, quanquam haud leuis ea est ponderis, quaerimus praesidium, sed potius in fine et occasione, qua olim sunt vsi Christi cultores primaevi, et qua hodie adhuc in euangelica nostra eaque vera ecclesia vtimur. Sic hodie adhibetur signum crucis in aere digitis formatum 1) in Sacramento Baptismi, vbi hoc sacro lauacro ablu-

)(3

endi

- o) Qui vero ritus huius origines scire cupit praeter alios euoluat IOSEPHI BINGHAMI Origines et Antiquitates eccles. a IO. HENR. GRISCHOVIO latine redditas et X. Voll. Halae editas 1724 -- 1729. 4. D. CHRISTOPH. HENR. ZEIBICHM Diff. de signo crucis e templis nostris non eliminando. Vitemb. 1735. 4. et CASPARIS CALVOERII Rituale ecclesiast. Ienae, 1705. 4. P. I. et II. Quem posteriorein librum vel ea quoque ex causa hic nominare fas erat, vt debitas Nobiliss. I. G. HERRMANNO, Senatori et mercat. vrbis nostrae celeb. ageremus gratias, qui eum, et vna cum eo WILLIAM CAVE Antiqu. patrum et ecclesiast. Biblioth. nostrae scholae obtulit dono.

endi hoc signo notantur. 2) In consecratione panis et vini in Sacramento S. coenae et quando haec symbola sacra inter communicantes distribuuntur. 3) In absolutione peccatorum perfecta confessione publica in cathedra sacra, vel etiam facta absolutione publica in sella confessionaria, vel priuata. 4) In ordinatione sacerdotum. 5) Peractis benedictionibus publicis finitis sacris. 6) In precibus publicis et priuatis. 7) In copulatione nuptorum aliisque actionibus adhuc sacris. “Antiquissimis temporibus non erat hoc „signum, vt CHEMNITIVS recte monuit, p) ad cultum et adorationem propositum. Non enim tunc aliquid subsistens erat, sed „tantum erat *professio* et *communesactio*, quod in Christum crucifixum crederent atque omnem in ipso spem et fiduciam collocatam „haberent.” Neque hodie alium in finem in ecclesia nostra evangelico-Lutherana teste nostro GERHARDO, q) et ipsa experientia quotidiana hic ritus exercetur, nisi vt signum externum *benedictionis* et *consecrationis*, memoriam renouans crucis CHRISTI, hoc est, passionis CHRISTI in cruce, quae est fons omnis benedictionis, vsurpetur, nequaquam vero vis aliqua spiritualis ei tribuatur. Hinc iure meritoque hic ritus signo crucis vtendi retinetur, propterea quod istiusmodi ritus externi neque in V. neque in N. Testamento a DEO prohibiti, sed potius mandati et a CHRISTO illiusque Apostolis saepissime obseruati sunt, vti supra demonstrauius. Accedit praecipue et hoc, quia hic ritus 1) vtilem et necessariam *declarationem* et *professionem* fidei christianae in se continet. 2) Quia multum ad *aedificationem* facit, quum CHRISTVM crucifixum in memoriam reuocat, et signum *benedictionis* et *consecrationis* exhibet. 3) Quia a *decoro* non abhorret, sed potius ad reuerentiam CHRISTO pro nobis in cruce mortuo praestandam inuitat. Nec 4) cum *libertate* christiana pugnat. Qua igitur fronte et quonam animo SEMLERVS hunc pium, laudabilem et in tam variis pietatis officiis obuium ritum appellare potuit *consuetudinem inueuentam*? Non quidem negamus, nonnullos et olim hoc signo crucis abusus esse et hac nostra aetate extra nostram ecclesiam abuti: De his ve-

ro

p) In Exam. Concil. Trident. P. IIII. Loc. II. Sect. III. c. 2. p. 44.

q) In Loco de S. coena §. 156.

ro non est sermo, sed de vſu legitimo, qui non inueniſtus dici meretur. Quidnam enim eſt inueniſti ſigno externo crucis profiteri, ſe eſſe CHRISTI cultorem? Quidnam eſt inueniſti memoriam CHRISTI hoc ſigno renouare? Quidnam eſt inueniſti benedictionis fontem, paſſionem ſcilicet CHRISTI in cruce, meminiffe? Inueniſtum potius, et iniquum eſt, iſtiusmodi pium, in eccleſiis noſtris receptum et in Libris noſtris ſymbolicis probatum r) ritum irridere et contemnere et CHRISTVM illiusque memoriam tam parui aeſtimare, vel prorſus ex eccleſia proſcribere. Non anxie inquirendum eſſe putamus, quibusnam in contumeliam coetus purioris prorſus inueniſtam placere ſtudeat *SEMLERS*. Quivis facile hariolabitur. Sed non omnes Reformatorum ſic dictorum doctores ſunt huius ritus contemptores, vt doctiſſimus *IS. CASAVBONVS* teſtatur, s) inquiens: „Non fert fides Chriſtiana „vt aliqua ſigno crucis propria virtus miracula efficiendi tribuatur. „Sciſtus vero, veterem eccleſiam et in vitae communis vſu, et in „ritibus ſacris, multum vſam eſſe *venerabili* illo ſigno: ſed vt *pi-* „cerimonia, quae orationi adiecta, animos fidelium ad CHRISTI „crucem eucheret; non materiae alicui terrenaе, aut figurae, aut „geſtui affigeret.“ Hoc ſenſu ſanctiſſimi prudentiſſimique illi Antiquiſtes, qui eccleſiae in Anglia reformandae negotio praefuerunt; et in publicis locis cruces paſſi ſunt remanere et in nonnullis etiam *ritibus ſacris retinuerunt*, vt in Baptiſmo. Et haec de conſuetudine ſigno crucis vtendi non inueniſta dicta ſunto. Nunc ad id, cuius cauſſa calamus arripuimus nos conuertimus. Nimirum, iuvenes quidam bonae ſpei ac indolis vires ſuas in arte dicendi periclitaturi publice prodire cupiunt, et quidem

I.) CAROLVS GODOFRED. MÜLLER, Ottendorf. M. de arte regnandi apud Romanos dicit *lat.*

II.) GEORG. HENR. KVHNIVS, Groſmilckau, M. praeſtantiam religionis canet *carm. teut.*

III.)

r) Vide Catechiſm. minor. Lutheri p. 383. Edit. Rechenberg. Lipſ. 1705. 8.


s) In Exercitat. Anti-Baron. XIII. n. 68.

III.) IOAN. ERHARD. PEY-
ratione agendi sapientis in-
bit *graece*.

IV.) GOTTHOLD. BENIAM
Viri plurimum reuerendi
MICHAELIS HERTELII,
triennio apud nos eximia cu-
miam Lips. nunc rite prae-
spe, fore, vt aliquando reip-
at officia. Apud nos enim
que modesti probe sustinui-
solum in iis, quae ad com-
tur, linguis, sed etiam in ar-
nendos faceret progressus.
edidit A. cto 10 cc LXV. diem
cc LXVI. liberalitatem b. S. S.
praesenti vltimum vale nob-
sa *orat. lat.* de Genio apud g-
iutore. Cui

V.) EMANVEL. FRID. SCHI-
suo suorumque commilitonu-
carm. teut. praemissa *orat.* t-
ditionem.

VOS tandem INSPECTOR
atque FAVTORES honoratissimi
cet, obseruantia rago atque obtest-
neuole interesse nostrosque dicturo
STRAM hanc nobis gratissimam
dicabimus. Scribebam Chemnicii,



RD. PFNAVSCHNERVS, Chemn. M. de
pientis in rebus fecundis et aduersis perora-

BENIAM. HERTELIVS, Bufendorf. Lipf.
euerendi atque doctiffimi, M. IOANNIS
ERTELI, Paftoris Culmizfeh. meritiff. filius,
eximia cum laude peracto, abutum in acade-
rite praeparatus parat, non fine gratiffima
quando reipublicae faluberrima praeflare que-
nos enim partes difcipuli pii, diligentis at-
ue fuffinuit. Hinc etiam factum eft, vt non
ae ad comparandam eruditionem requirun-
tiam in artibus elegantioribus haud contem-
ogreffus. Specimina cum plaufu publice
c. LXV. diem rure bene peractum et A. clo Io
em b. S. SIGELII decantans *carm. teut.* In
a. vale nobis acclamabit *carm. teut.* praemif-
nio apud gentiles, praecipue litterarum ad-

RD. SCHMIDTIVS, Ernftthal. Schönburg.
ommilitonum nomine fauftiffima precabitur
iffa *orat. teut.* de fubfidiis afsequendi crü-

SPECTORES GRAVISSIMI, PATRONI
noratiffimi, appello fimulque ea, qua de-
que obteftor, vt frequenter huic actui be-
que dicturos benigne aufcultare velit. VE-
atiffimam beneuolentiam laudabimus, praec-
Chemnicii, d. 18. Oct. A. R. S. clo Io cc LXVI.

